

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1742 del 06/06/2022

Traduzione in ladino

Fiem e Fascia, Segnana: scutèr e se confrontèr co la aministratzions locales

Scutèr e se confrontèr col teritorie. Al Consei de la sanità de Fiem e Fascia, metù a jir te Comun de Pardac, à tout pèrt ence l'assessora provinzièla a la sanità Stefania Segnana e l diretor del Servije del ospedèl provinzièl Pier Paolo Benotto, envié dal comissèr de la Comunità de Fiem Giovanni Zanon e dal Procurador de Fascia Giuseppe Detomas. Chesta scontrèda l é stat na ocajion emportanta ence per prejentèr la neva sorastanta dotoria per la cures primaries de Fiem, Fascia e Cembra, Stefania Aloisi: n pont de referiment emportant per i ombolc.

La mencianza de profpcionis l é una de la costions più sentudes da la popolazion, a chela che i administradores locai – che ogne dì i tol su i besegnes del teritorie – à volù palesèr. L'assessora Segnana l'à despiegà che la situazion la é dassen grieva no demò tel Trentin, ma te duta la Tèlia.

“L’Aministrazion provinzièla e l’Apss les se dèsc ju acioche l Trentin posse esser n teritorie atratif per i profpcionis sanitèrs, estra che soscedèr l gust e la gaissa di joegn envers la profescions da medico, infermier, oss, tecniche de laboratorie e c.i.: da chest pont de veduda la neva scola de medejina l’à na funzion fondamentèla” l à despiegà l member de la Jonta. L ent publich l é do a se dèr ju te desvalives ciampes per gestir na situazion coscita grieva, col se pojèr per auter sui ospedèi de val desche ressorsa strategica: l nef endrez de l’Apss l perveit de fat che ogne strutura sanitèra sie n referiment provinzièl per vèlch percors. L’Azienda la seghitarà a vardèr de soscedèr enteres ti profpcionis, col ge sporjer la mior condizioni de svilup profacionèl, de benesser organisatif e de calità de vita. Per chesta rejon, i avisc de selezion i vegn porté dant fora da la provinzia ence col se emprevaler de media inovatives.

Ciavaleis, l é stat recordà – l é na ezelenza per l’ortopedia e dant da la fin del an la doventarà ence l pont de referiment per chel che vèrda i intervenc chirurgics ai muscoi pelvics, en colaborazion co la unità operatives de urologia, ginecologia e chirurgia generèla del ospedèl provinzièl. “Chesta Aministrazion provinzièla, dessema co l’Apss, la vel a chesta vida arvejinèr i servijes teritorièi e del ospedèl ai sentadins e arsegurèr na valivanza de azes a la cures” l’à dit Segnana.

Endèna la scontrèda l é vegnù fora besegnes e domanes dal pont de veduda sozièl e de la sanità. I representanc istituzionèi i à sotrißà l’emportanza che à i territories tel meter ju l nef endrez, fajan referiment soraldut al ospedèl de Ciavaleis e a la Cèsa de la sanità, col ge dèr luster e ge arsegurèr servijes de auta calità a duta la valèdes, tout ite cheles più dalonc dai zentres maores.

Traduzion di Servijes Linguistics e Culturèi del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)